



## **Qaratsamigut ajoqusersimasup qanigisaanut pikkorissarnissamik negeroorut**

Sammisaq:	Qaratsami sianiutit pissusaat
Piffissami:	Sap. ak. 35, ulloq 28.-29.-30. aggusti 2024
Sumiiffissaq:	Pissassarfik, Sisimiut
Peqataasinnaasut:	20
Sullinniakkat:	Qanigisaasut, qaratsamikkut innarlersimasumik ilaqutaqartut.
Qinnuteqarfissaq:	<b>Kingusinnerpaamik ulloq 08.07.2024</b>
Mailerfissaq:	<a href="mailto:pissassarfik@nanoq.gl">pissassarfik@nanoq.gl</a>
Pikkorissaaneq:	Pikkorissaaneq danskisut ingerlanneqassaaq oqalutseqassallunilu.

---

**Nassuiaat:** Inuit inersimasut innarluuteqalertarnerinut qaratsakkut ajoqusersimaneq peqquataagajut-tarpoq inersimasuni qaratsakkut innarlersimanerit qaratsami taqqatigut milikartoornermik imaluunniit aanaartoornermik tamatigut peqquteqartumik pilersarpoq, imaluunniit ajutoortoqarsimatillugu qarasaq akornuserneqartarpoq

Qarasaq sunut tamanut suliaqarnitsinnut peqataasarpog. Qaratsakkut innarlersimanermi akuttunngitsumik annertuumik piginnaasat annikillinerinik oqalunniarnikkullu ajornartorsiuteqalernermik malitseqartarpoq kisianni aamma qaratsakkut innarlersimanermi pissusilersuutitigut allanngornermik kingunerlutsisisinnaavoq, sumiiffimmi aqqutissamillu ujartuisinnaanermik piginnaanikillisimaneq, ulluinnarnilu iliuuseqarnissamut piginnaasat allannguuteqalernerinik. Inuit amerlasuut qaratsakkut innarlersimasut annilaanganermik aamma isummakkut nanertisimaneq tarnimikkut qisuariaatitut misigisarpaat.

Ilaqutariinni qaratsakkut ajoqusertoqartillugu ilaqtariit tamarmik eqqugaasarput, tamannalu ilaatigut ulluinnarni ilaqtariit inooqatigiinnerannut attaveqatigiinnerannullu unammillernartuusinnaalluni. Inuunermi pissutsit nutaat apeqqutit amerlasuut pilersissinnaavai soorlu: qanoq ilaqutaasog ajunnginnerpaamik ikiorsinnaaviuk tapersorsorlugulu? Qanoq ililluta inuit oqalussinnaanermikkut pissutsimikkulluunniit ajoqusersimasut attaveqarfigisinnaavagut?

Pikkorissaaneq ilinniartitsinermik eqimattanilu oqallitsitsinermik akulerullugit imaqartinneqassaaq, qanigisat allat peqatigalugit periarfissaqassaaq nammineq misilittakkat eqqartuiffigineqarnissaanut.

**Siunertaq:** Qaratsap qanoq atuuffeqarneranik aamma nappaatit qaratsamut qanoq sunniuteqartarneri pillugit pikkorissartitsinermi erseqqissumik paasisaqarnissat siunertaavoq. Qaratsakkut ajoqusernerup kingorna nappaatip ersiutai nalinginnaanerpaasut ilisaritinneqarumaarput, taakkulu ulluinnarni qanoq tiginissaannut.

**Pikkorissaasog:** Ane Norup. Ph.d. Specialist i klinisk neuropsykologi, Videnscenterchef i Videnscenter for Neurorehabilitering, Rigshospitalet, Glostrup.

**Qinnuteqarneq:**  
Peqataanissamut qinnuteqarniaraanni kakkiussaq immersorneqassaaq.



Angalaneq aningaasartuutillu:

Illoqarfimmit allamit peqataasussat pikkorissarnerup allartiffissaa ullormik sioqqullugu tikissapput, pikkorissarnerlu naammassippat aqaguani aallaqqillutik. Taamaakkaluartoq angalatitsivinnit ullut angallavissat apeqqutaallutik tikiffissat aallarfissallu allaanerusinnaapput.

Najugarisamiit Sisimiunut uterlugu billetsit, ineqarneq ullaakkorsiorneq ilanngullugu ullunilu pikkorissarfinni ulloqqeqqasiorneq Pissassarfiup isumagissavai.

Malugiuk, billetsit akikinnerit allanngortissinnaanngitsullu atorneqassapput. Taamaammatt billetsinik allannguinermi taamaatitsinermiluunniit Pissassarfiup angalanermut aningaasartuutai, pikkorissartussap sulisitsisuata matussusissavai.

Angalanermi aningaasartuutit ass. taxarneq ullormusiallu Pissassarfimmut attuumassuteqanngillat.

Apeqqutissaqartoqarpat uunga apeqqutigineqassapput:  
[pissassarfik@nanoq.gl](mailto:pissassarfik@nanoq.gl) imalt. oqarasuaat. 34 50 70